

〔親長卿記〕文明六年二月十一日晴有變異。二星合。在盛卿注進之。今月八日戌時熒惑犯輿鬼第二布帛星。相去六寸許。天文要錄云。熒惑守輿鬼東北萬民多死。又云。守輿鬼有兵水交。萬物五穀不登。大將軍慎馬牛貴。其君有憂期三年。又云。大臣不忠有兩心。又云。熒惑至輿鬼三日。大人病爲十日。諸國主爲病。乙巳占日。火犯輿鬼。后失勢。執法誅。

文明六年二月十一日

正三位賀茂朝臣在盛

望氣

〔羅山文集卷六十二〕望氣

夫望氣者。蓋保章氏之餘流歟。周禮春官保章氏。以星觀妖祥。以雲辯吉凶。以風命乖別。故星見大辰。則梓慎知宋之將火。歲紀玄枵。則裨竈知楚子之將死。梓慎望雲而知宋鄭之多喪。師曠歌風而知楚師之無功。且夫伯夙見楚氛甚惡。則楚人衷甲將襲晉。周太史聞雲如衆赤鳥夾日以飛。則知其當楚王身。曹劌望氣之竭而敗齊軍。李陵見氣之衰。而斬軍中之女。始皇雖厭東南天子氣。而不能制沛公。蘇伯阿望見春陵。而暗佳氣之鬱葱。果光武出矣。此誠於軍旅之事。望氣亦不可廢也。及李唐袁天綱。李淳風。僧一行之輩。世不乏人矣。本朝之仲滿。趣唐留學。改名朝衡。世所謂安倍仲麻呂是也。昌泰之際。三善清行及子淨藏。精於天文術數諸道。仲滿之裔。清明亦鳴于圓融華山之時。其後世道么麼。此道遂衰。豈不悼哉。

〔武備志一百六十一〕占雲氣

茅子曰。周禮天官氏掌雲氣之占。秦漢間。望氣者之言益驗。故其說甚著。我參次其功于兵者。曰。氣之地。氣之候。氣之風雨。氣之災瑞。氣之天子。氣之猛將。氣之戰陣。氣之軍勝。氣之軍敗。氣之暴兵。氣之伏兵。氣之攻守。氣之陰謀。

〔天文義論下〕問雲氣ノ變種々有之。是ヲ望ミ見テ。其吉凶ヲ定ムル事アリ。是ヲ望氣ノ學ト云。是ヲ學ブ人多シ。上古ヨリノ事ニヤ。中華ノ學者是ヲ主トスル者多シ。最モ軍者專ラ是ヲ敬。是又天學家ニモ主ルベキ義歟。